

مجموعه آجودانیا

۱۷ نجی سنہ

ربیع الاول ۱۳۱۴

جزء، عدد : ۵۹





قادینلره دائر بعض ملاحظات

ارککلرک عکسنه اولمق اوزره قادینلر بر چوق شیلر یازارلرکه هیچ بروقت
شفاها سوئلگه جسارت ایده مزلر .

پ . ژ . شتال



قادینلرک عشقنده بزم حساسیت تهور آمیزمزک هیچ بر زمان خبردار اولمامش
بولنیدینی بیگلرجه الوان خفیفه واحوال نازکه موجوددر . آنلرک موجودیت
جنسیهلری ایچنده بر محل عظیم احراز ایدرک هان دایما الک مهم مشغله حیاتیهلرینی
تشکیل ایدن بوابتلا او مخلوقات لطیفه عسندنه بزه نظراً دها سریع، ظاهراً دها
آز سبیلی ودها چوق صمیمی اولهرق ابتدا ایدر .

کرچکدن اسیر درد عشق اولان بر قادینک حساسیت عمیقهنه ، احتمال که ،
دنیاده هیچ برشی معادل ومقارن اولهماز . مشاهیر حکمدان (دیدهروق) نک
طانیوب خاطره معززه سنی بالجله آثار فلیه سندنه کمال احترام ایله محافظه ایتمش
بولنیدینی مادمازل (دولاشو) نامنده برقر (غاردهل) اسمنده برذاته چیلغینجه سنه
مفتون ومبتلا اولمشدر . بوآدم قیصه بویلی ، سکوتی مشرب ، صاغر اولوب
قوری جهرملی ، صولغون بگزلی ، هیئت عمومیه سی نارین ، ضعیف ، ناتوان . .
الحاصل صباحت فکریهیه مالک اولانلرک چرکین گوریله نیلسی قابل اولدینی تقدیرده
بوده چرکین ایدی . مادمازل (دولاشو) عشقی اغورنده شرفنی ، ثروتی ، عالمه سنی
غائب ایتدکن صکره مجرد عاشقنک مساعی ادبیه سنی دخی تخفیف ایتمش اولمق

اوزره عبرانجه ، روجیه ، انگلیزجه ، ایتالیانجه اوکر فمش و کجه لرینی کاملاً اسیکی مؤلفلرک آثار متروکه قلمیه سنی ترجمیه ، استنساخ و شرح ایلمگه حصر ایتمشدر ؛ حیاتی بودرجه زحمت آور مشغولیتلره وقف ایتمی نتیجه سی اوله رق بر قاج سنه ظرفنده هم سختی ، هم ده حسن و طراوتی الدن قاجر مشدر .

بودرجه شایان دقت تحسینات مفرطه و موجودیت نفسیه یی تسلیم واهداده بومرتبه علویه وه واران فداکارلق نمونه لری اکثریا حسن عشقک کمال مطلق ایله تسبیح ایتمش بولندیغنی قادیلر طرفندن اظهار واثبات اولمشدر .

ارککلر ایسه بودرجه ثبات و دوام و فداکاری تام ایله سومزلر ؛ بونلر ده تهور پرور ، ده شدتکستردرلر ؛ قادیلر ده نازک و محب ، ده ها عمیق مرتبه ده حساسدرلر ، مستفرشه سنی ابدیاً الدن قاجیران بر عاشق ، یا او آنده اتلاف نفس ایدر ، یا خود تسلیت بولور . بر قادین واقعا او آنده اتلاف نفس ایتمز اما ساکت و مدید بر کدر ایله قهر و هیا اولور کیدر .

مورو دولاسارت



بر آقشام ، بتون پاریسی آغلامش اولان بر (مئلودرام) ی بز دخی آغلامق کبی بر آرزوی فطری سکونت بخشا ایله تماشا به کیتدک ؛ و فی الواقع آغلامقده قصور ایتدک . لوجه من بر طوفان آباد کسیلدی . یالکز مادام (دو ...) تک باشنه تأثر عمومییه مقاومت ایتدی . گوزلری یابس قالدی . بن بو حاله تعجب ایدیوردم . او جواباً : « گوزل یاشلر گوزل گوزلر ایچنده بولور . » دیدی . گوزلری اوافق و مهابتسر اولان مادام (دو ...) نک مدت عمرنده قطعاً آغلاماقه بر کره عزم ایتمش بولندیغنی بو جوابدن آکلام ؛ ایشه قادیلرک نفسلری اوزرنده کی حکم و صاحبیتلری او مرتبه ده درکه ، حتی گوز یاشلرینک بیله حکم صاحبقرانیدرلر .

پ ، ژ . شتال

